

Тоомсрта эрдм

Модн девснъ деер зогсад, шин бәрлжәх чолун герин эрс баахн күүкн тәвджәнә.

Төрскән харслгъна Алдр дәнә тӯрун өдрмӯдт, Курнова Эльвирин экэцк хойр төрскән харсхар фронтд одад, дәнә аюлар үкцхәлә.

Болв, Советск Төрскн күүкиг өнчрӯлсн уга. Эльвирин гарсн гернь—Тюменьск областин Юргинский детск дом болв, күүкнә багънась—өнчн күүкдин ниич бӯллә ханьцв.

Школин джиргъл экләд, нилснъ медгдлго, сургъулин джилмӯд давб. Эля долан класс чиләчкәд хувц уйлгъна эрдм дасв. Болв күүкн энүндән зогслго, улм сән, тоомсрта эрдм хәäv.

Күүкнә тоолврт, ода мана энъкр Коммунистическ партъ болв Советск правительств өлн өлтн бәәх гермӯд бәрлгъяр әвртә ик зура кӯцәджәх цагт, тосхачин эрдм ик тоомсрта болдж медгдв.

„Эврәннъ гарарн сарул, сәәхн болн дулан гермӯд бәрәд, өлн өлтн байрлулсн ямаран сән эр-

дм“,—гилж Эля сандг билә. Санань батта шиидвр болв.

... 1956 джилин август сар. ФЗО-н школ чиләджәх багъчуд дунд Курнова Эльвирин нернь дуудгдв. Школин директор болн багшир, сәәнәр школ чиләгъәд, чолу тәвдг эрдм авчачинь йөрәцхәв. Школд Цугсоюзин Ленинск комсомолин зергләнд орсн Эляд бас ик байр болв.

Хойр давхр чолун гер деер кōдлджәгъәд: ода гурвн-дөрвн джиләс мана таньгъчин хотл балгъсн таньгдшго сәәхн болх. Дерәлдүләд бәрсн гермӯдин кōдлмшт мини хойр гарин кōлсн орла гихлә, тӯунәс ах бахмдж нанд уга—гидж Эля санна.

Элялә хамдан кōдлджәх бригадин улс, СССР-н Деед Совет орн-нутгин өлн-әмтнүр кесн дуудврар урмд авад, кōдлмшиннъ зурагъан эн джил чилтл 180 процент кӯцәгъәд, Элстин Комсомольск уульнцар бәргдджәх өлтн бәәх гериг кӯцднъ чиләх даалгъвр авб.

Л. СЕРГЕЕВА.